

Discurso S.E. Refunjol, Gobernador di Aruba

ORANJESTAD- Gobernador di Aruba den su discurso na ocasion di celebracion di e asina yama Oranjebal, a yama tur presente bon bini y el a bisa “Awe nos ta celebra aki na Aruba, como parti di Reino Hulandes, haciemento di aña di nos Rey Willem Alexander”.

Despues el a yama bon bini na su distinguido huespednan. El a dedica tempo special na e personanan cu a wordo condecora y a bisa: “Ban duna nos condecoradonan un aplauso bon mereci, como muestra di gratitud pa tur loke nan a haci pa Aruba, pa su habitantenan y pa Reino Hulandes!”



y un welo super orguyoso. Durante e ultimo añanan mi tabata masha hopi biaha ausente.

Na mi casa Clarette, mi yunan Cheryl cu Joaquin, Ricky cu Sui Lin y Zanette, masha masha danki pa boso apoyo incondicional, durante tur e añanan aki!

Manera boso tur sa, banda di ta Gobernador, mi ta primordialmente un tata di famia. P'esey, brevemente, mi kier compara nos Reino y nos Aruba stima, cu un famia grandi.

Desde akinan, hunto cu mi famia, mi ta gradici cada un di boso, cu durante e 12 añanan aki a acompaña nos



Awe ta un dia unico, pa boso y p'ami. Pa mi un dia masha special, como cu esaki lo ta e ultimo biaha cu ami, como Gobernador, hunto cu boso tur, lo celebra haciemento di aña di nos Rey Willem Alexander.

2016 ta un aña particular pa

Reino y pa nos Aruba. E aña aki nos ta celebra 30 aña Status Aparte. Aruba tapa 30 aña caba un pais autonomo denter di Reino Hulandes. E aña aki ta 40 aña tambe, cu pa di prome biaha nos a celebra nos dia di Himno y Bandera. Pa e ultimo diesdos añanan, mi por a celebra, como

Gobernador Oranjebal hunto cu boso.

Diesdos aña hopi intensivo, durante cu ami a haci tur loke ta na mi alcance, na bienestar di nos isla y reino. Sin e confiansa cu boso y pueblo di Aruba a pone den mi esaki lo no tabata posibel! Masha

masha danki!!

Mi sa cu entretanto, y cu ansha, mi famia tambe ta sperando yegada di e dia cu atrobe ami lo por ta e simpel y normal Freddy Refunjol. No mas Gobernador, pero cu atrobe lo mi ta normalmente un esposo, un tata orguyoso



ariba e celebracion special aki. Masha, masha danki!

Gustosamente mi kier pidi boso, pa hunto cu mi, nos hisa nos glas y brinda pa haciemento di aña di nos Rey Willem Alexander!

Biba nos Rey! Biba nos Rey! Biba nos Rey! ☐